



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann C 06.11.2022 - 13.11.2022 - 32. domënia ia por l'ann n. 50

Le Di dla vita

📖 2 Mac 7, 1–2.7a.9–14 | 2 Tess 2, 16 – 3, 5 | Lc 20, 27–38

Dal Vangele do San Lüca:

Te chël tëmp ²⁷él gnü da Gejù valgügn Saduzês, che neghëia la ressureziun, y ai l'â damanè: ²⁸Maester, Mosè nes à scrit dant: Sc'al mör n'ël che à n'fre y lascia indô na ëra, zënza avëi mituns, dess so fre maridé l'ëra y ti fà avëi descendënc a so fre. ²⁹Al viô n' iade set fredesc. Le pröm â tut na ëra por fomena, mo ê mort zënza mituns. ³⁰Spo l'â tuta le secundo, ³¹dedô le terzo y insciö incè i atri cina al setimo; degun n'â lascè indô mituns, canch'ai ê morc. ³²Inultima él incè mort l'ëra. ³³De chë saràra pa fomena dala ressureziun? Düc set l'â pö albüda por fomena. ³⁴Dailò ti à Gejù dit: Mâ te chësc monn él ëi y ëres che se marida. ³⁵Chi che Idî indere arata dëgns de tó pert al ater monn y ala ressureziun di morc, ne se maridarà spo nia plü. ³⁶Ai ne sciafia gnanca plü da morì, deache ai é sciöche agnui y tres la ressureziun ési diventà fis de Dî. ³⁷Mo che i morc ressurec, à bele Mosè indiché tla cuntia dla trognora, canch'al nominëia le Signur Dî de Àbraham, Dî de Ìsach y Dî de Iàcob. ³⁸Al n'è pö nia n' Dî di morc, mo di vis; deache por él ési düc vis.



Oraziun dl de

Dî onipotënt y misericordius, nos sun túa proprieté y tö nes as scrit ite tla palma de túa man: tëgn dalunc da nos ci che é prigrus y tol demez ci che nes pësa söl'anima y söl corp, ch'i podunse cun n' cör lëde fà túa orentè.

📖 *Letöres dla 33. domënia ia por l'ann:*
Mal 3, 19–20b | 2 Tess 3, 7–12 | Lc 21, 5–19

Edema liturgica dai 06.11. ai 13.11.2022

2022	Ora	Mëssa
32. domënia ia por l'ann 06.11.2022 <i>domënia dles Animes</i>	8.15	Zelebrazium dla parora de Dî <i>Corona</i>
LÖNESC - 07.11.2022		<i>19.30 s.M. a La Plí</i>
MERTESC - 08.11.2022 <i>Gottfried, Gregor</i>	7.30	S. Mëssa di scolari en onur de San Crysantus y Daria ++ Prada ++ Maria y Angel Zingerle
MERCUI - 09.11.2022 <i>SEGRA dla Basilica Laterana</i>		
JÖBIA - 10.11.2022 <i>Leo le Gran</i>		<i>7.30 s.M. a Rina</i>
VËNDRES - 11.11.2022 <i>Martin da Tours</i>		<i>7.30 s.M. a Al Plan</i>
SABEDA - 12.11.2022		<i>7.30 s.M. a La Plí</i> <i>18.00 s.M prefestiva Al Plan</i>
33. domënia ia por l'ann - 13.11.2022 <i>De mondial dla poerté / Domënia dla Caritas</i> Festa de S.Zezilia (impede ai 20.11.)	8.15	Gran Mëssa fam. Prousch Heinz ++ tomá te vera ++ Epele y Jule Chizzali ++ Castlunger Valentin y Luigia Miribung ++ Pire y Linda Sottrovisch <i>Corona</i> <i>6.30 Al Plan</i> <i>10.00 La Plí</i>

Mësses a San Martin:

Dom 9.30 Dedol 7.30 Jöb 7.30 Ven 17.00 (funziun S.Martin)
 Sab 19.00 Dom 9.30



Informaziuns y terminns

I **jogn d'Antermëia** á lité dala sentada generala ai 07.10.2022 sön Börz l'consëi nü por i proscimi dui agn: präsidënt é Devis Pizzinini, vizepresidënt Oliver Castlunger, Denis Erlacher sciöche cassier, Winkler Miriam sciöche scrivana y Laura Rindler, Diana Castlunger Prousch, Nicole Irsara y David Clara sciöche aconsiadus. I s'la confortun da fá de beles cosses adöm a os jogn!

La **Uniun di seniores da San Martin y Antermëia** inviëia ala marëna, ciastagnada y sentada generala en domënia ai 13 de novëmber 2022 do mëssa te salf dla refeziun a San Martin. Por porsona é 15,00 Euro da paié, prenotesse anter i 10 de novëmber pro Alfred Ploner al 333 365 4786. Gnide düc a passé n pü' de tëmp adöm!

Le **Sport Club Amatorial Antermëia** tëgn davert le Bar dal Sport ti fins dl edema de novëmber y le pröm fin dl edema de dezëmber: vigni vëndres dales 17:00 ales 24:00 - vigni sabeda dales 17:00 ales 24:00 y vigni domënia dales 08:30 ales 14:00. Gnide a se ciafè!!

En jöbia, ai 10 de novëmber éle a Antermëia dales 20.00 te palestra **l'incuntada anuala dl'aministrazion de comun cun la popolaziun**.


La **defensuria zivica** vëgn en vëndres, ai 11 de novëmber, dales 14.00 - 17.00 tl salf di stödafüch a San Martin - prenotaziun 0471 946 020.

L'**Uniun Musighes Val Badia** inviëia dër bel al **concert "Soms deboriada"** adöm al grup SaxRoyal en sabeda ai 12 de novëmber dales 20:00 tla hala dl tennis a Corvara. Dales 21:00 inant aurela cörta adöm ala Böhmische di Jogn Val Badia, Böhmische da La Val y i SaxRoyal. Düc é dër bel inviá da gní a ascuté sö.

L'**uniun dles ëres da San Martin** adöm al grup dles families **organisëia le „Nadé tla scatora dai cialzá“**, olache an po ti fá na scincunda da Nadé a mitans y mituns manco fortuná. An tol y decorëia na scatora dai cialzá, olache an pó mëter ite scincundes por mitans/mituns dai 2 ai 4 agn, dai 5 ai 9 agn y dai 10 ai 14 agn (an ciafa etichëtes alado). Tla scatora pon mëter ite: 1 scincundes wow, jüc, articui por l'igiëna, materiai de scora, duciaries y quant. Les scatores pon dé jö tl salf di stödafüsc da San Martin chisc dis de novëmber: Jöbia ai 10 dales 14.00–15.00, sabeda ai 12 dales 10.00–12.00 y lönesc ai 14 dales 14.00–15.00. Chi che ne ess nia na scatora, pó ji a sn tó öna tl salf di stödafüsc a San Martin tratan chisc orars. Deplü informaziuns son facebook/uniun ëres San Martin.




La **biblioteca Sas dla Crusc** inviëia en mertesc ai 8 de november dales 15:00 te biblioteca a San Martin a n domisdé cun stories, pastelné y jüc por mitans y mituns dla scora elementara.

Le **dotur Eduard Agreiter** é demez en lönesc, 7 de novëmber, y vëgn sostituí dala doturia Grete Mahlknecht 349 06 67 034.



San Martin mör ai 8 de novëmber tratan na vijita pastorala. So amisc le porta zuruch sön la barca a Tours – de nôt, cun chëntli che slumina y linternes. Insciö portunse ince nos en San Martin löms y dijiun insciö che i onorun Martin y che i orun ti jí do a so ejëmpl – ince do tan tröc agn (festejé vëgnel ai 11 de novëmber, le dé de süa sopoltöra).

Wenn wir von der Auferstehung reden, wissen wir nicht, wie dieses Leben bei Gott genau aussieht. Es wird gewiss nicht einfach eine Verlängerung unserer irdischen Existenz sein – das macht Jesus den Sadduzäern im Evangelium deutlich. Aber er setzt voll auf dieses neue Leben bei und in Gott – für sich selbst und als Bote dieser Verheißung ewigen Lebens.

	08.11.2022	Raphael R. - Marie
	13.11.2022	Denise - Joel U. - Thomas - Magdalena
	13.11.2022	Marlene Winkler
	<p>Les mius aodanzas por le compliagn ti fajunse a Pedevilla Clara (90) . Döt le bun.</p>	

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it